




**PREZENTACIJA REZULTATA RADA FEDERALNE
UPRAVE ZA INSPEKCIJSKE POSLOVE ZA 2019. GODINU**

- KONFERENCIJA ZA MEDIJE -

Sarajevo, 22.1.2020. godine

1. FEDERALNA UPRAVA ZA INSPEKCIJSKE POSLOVE - OPĆI PODACI

1.1. FINANSIJE



Budžetski zahtjev za 2020. godinu	9.466.000 KM
Odobreni budžet za 2020. godinu	8.980.678 KM (-485.322 KM)

1.2. LJUDSKI RESURSI

BROJ RADNIH MJESTA PREDVIĐENIH PRAVILNIKOM O UNUTRAŠNJOJ ORGANIZACIJI	273 izvršioaca/200 inspektora		
BROJ I STRUKTURA POPUNJENIH RADNIH MJESTA	Ukupno zaposlenih	166	
	Ukupno inspektora	133	8 glavnih federalnih inspektora 125 federalnih inspektora
	Ukupno državnih službenika	12	5 rukovodećih 7 ostalih
	Ukupno namještenika	21	
PROCENTUALNA POPUNJENOST RADNIH MJESTA	60, 8 %		
BROJ I PROCENAT UPRAŽNJENIH RADNIH MJESTA	107/ 39,2%		
NACIONALNA STRUKTURA	114 /68,67% Bošnjaka		
	44 / 26,51% Hrvata		
	8 / 4,81% ostalih		

U odnosu na važeći Pravilnik o unutrašnjoj organizaciji, nedostaje značajan broj izvršitelja, naročito rukovodećih državnih službenika - pomoćnika i glavnih federalnih inspektora, potom federalnih inspektora, jer su budžetski sredstva limitirana na 172 zaposlenika.

1.3. USLOVI RADA I OPREMA

USLOVI RADA: nedovoljni smještajni kapaciteti (sjedište uprave, 4 ureda, 7 GP, 4 CI i 11 MC).

OPREMA:– dostatna za realizaciju poslova Federalne uprave za inspekcijske poslove (vozila, IT hardveri, softveri itd.), s tim da je za unapređenje rada potrebno znavljanje

2. REZULTATI FEDERALNE UPRAVE ZA INSPEKCIJSKE POSLOVE

2.1. PREGLED UKUPNIH REZULTATA ZA PERIOD 2015.-2019.

<u>BROJ UKUPNO IZVRŠENIH INSPEKCIJSKIH NADZORA</u>	716.669
UNUTRAŠNJA KONTROLA	68.906
PREKOGRANIČNA KONTROLA (GP/MC/CI)	647.763
Broj sačinjenih zapisnika	58.848
Broj prekršajnih postupaka koji podrazumijevaju izdavanje prekršajnog naloga	27.763
Broj izdatih rješenja o otklanjanju nedostataka	12.806
Broj rješenja o privremenoj zabrani rada	1440 / 184 pečaćenja
Broj podnesenih prijava o počinjenom krivičnom djelu	35
BROJ EVIDENTIRANIH RADNIKA „NA CRNO“	17.827
<u>UKUPNI FINANSIJSKI EFEKTI</u>	120.998.124,24 KM
Iznos po osnovu prekršajnih naloga	38.046.063,00 KM
Iznos naplaćenih taksi i naknada na GP/CI/MC	32.461.647,41KM
Iznos utvrđenih naknada za zrak	34.178.675,01 KM
Iznos utvrđenih naknada za ambalažni otpad	11.955.489,94KM
Iznos utvrđenih naknada za elektroenergetski otpad	23.829,17 KM
Iznos utvrđenih naknada za ceste	410.558,00 KM
Iznos utvrđenih naknada za vode	3.246.765,71 KM
Iznos naplaćenih taksi na osnovu izdatih rješenja za posude pod pritiskom	24.557,00 KM
Vrijednost proizvoda privremeno stavljenih izvan prometa	9.171.014,37 KM
Broj prijavljenih radilišta	2.427
Broj uzetih uzoraka u unutrašnjoj kontroli /tržišni, veterinarski i poljoprivredni inspektorat/	739
Broj uzetih uzoraka na GP/CI/MC	27.189
Broj izdatih fitocertifikata na graničnim prijelazima	12.648

2.2. PREGLED UKUPNIH REZUTATA INSPEKCIJSKIH NADZORA ZA 2019. GODINU

<u>BROJ UKUPNO IZVRŠENIH INSPEKCIJSKIH NADZORA</u>		157.031
UNUTRAŠNJA KONTROLA	<u>UKUPNO</u>	18.923
	Redovni nadzori	13.345
	Timski nadzori	5.578
PREKOGRANIČNA KONTROLA (GP/MC/CI)		138.108
Broj sačinjenih zapisnika		11.451
Broj prekršajnih postupaka koji podrazumijevaju izdavanje prekršajnog naloga		5.806
Broj izdatih rješenja o otklanjanju nedostataka		2.766
Broj rješenja o privremenoj zabrani rada		267/24 pečaćenja
Broj podnesenih prijava o počinjenom krivičnom djelu		14
Broj evidentiranih radnika „na crno“		2.596
<u>UKUPNI FINANSIJSKI EFEKTI</u>		23.331.668,49 KM
Iznos po osnovu prekršajnih naloga		8.449.028,00 KM
Iznos naplaćenih taksi i naknada na GP/CI/MC		4.815.761,31 KM
Iznos utvrđenih naknada za zrak		7.574.665,82 KM
Iznos utvrđenih naknada za ambalažni otpad		2.284.952,33 KM
Iznos utvrđenih naknada za elektroenergetski otpad		5.193,27 KM
Iznos utvrđenih naknada za ceste		95.590,00 KM
Iznos utvrđenih naknada za vode		100.833,76 KM
Iznos naplaćenih naknade tehničke inspekcije		5.644,00 KM
Vrijednost proizvoda privremeno stavljenih izvan prometa		947.906,37 KM
Broj prijavljenih radilišta		434
Broj uzetih uzoraka u unutrašnjoj kontroli /tržišni, veterinarski i poljoprivredni inspektorat/		88
Broj uzetih uzoraka u postupku monitoringa goriva, nafte i naftnih derivata		2.192
Broj uzetih uzoraka na GP/CI/MC		6.064
Broj rješenja o zabrani uvoza		9
Broj izdatih fitocertifikata na graničnim prijelazima		1.428

2.2.1. UPOREDNI REZULTATI 2018.-2019. GODINA

		2018. godina	2019. godina
<u>BROJ UKUPNO IZVRŠENIH INSPEKCIJSKIH NADZORA</u>		147.058	157.031
UNUTRAŠNJA KONTROLA	<u>UKUPNO</u>	15.941	18.923
	Redovni nadzori	11.176	13.345
	Timski nadzori	4.765	5.578
PREKOGRANIČNA KONTROLA (GP/MC/CI)		131.117	138.108
Broj sačinjenih zapisnika		10.722	11.451
Broj prekršajnih postupaka koji podrazumijevaju izdavanje prekršajnog naloga		5.618	5.806
Iznos po osnovu prekršajnih naloga		8.115.754,00 KM	8.449.028,00 KM
Broj izdatih rješenja o otklanjanju nedostataka		2.458	2.766
Broj rješenja o privremenoj zabrani rada		346 / 67 pečaćenja	267/24 pečaćenja
Broj podnesenih prijava o počinjenom krivičnom djelu		10	14

2.3. POJAČANI INSPEKCIJSKI NADZORI U 2019. GODINI

U skladu sa zaključkom Vlade Federacije Bosne i Hercegovine (od 20.12.2018.godine), a na osnovu Zakona o inspekcijama Federacije BiH („Službene novine FBiH“ broj: 73/14), Federalna uprava za inspeksijske poslove, pored redovnih, vrši i pojačane inspeksijske nadzore, čiji je cilj suzbijanje sive ekonomije u svim sferama djelatnosti kao i sprečavanje drugih nezakonitosti koje utiču negativno na razvoj ekonomije i društvenih odnosa.

Jedan od pristupa efikasnoj borbi protiv sive ekonomije u FBiH je i program pojačanih inspeksijskih nadzora, koji se provodi u saradnji s kantonalnim upravama za inspeksijske poslove i u koordinaciji s Poreznom upravom FBiH koja nam ustupa podatke o registrovanim privrednim subjektima i radnicima u FBiH.

Fokus pojačanih inspeksijskih nadzora u oblasti trgovine je na na provođenju Zakona o fiskalnim sistemima, Zakona o unutrašnjoj trgovini i drugih zakona koji se tiču trgovačko-ugostiteljske djelatnosti, kontroli **uvoza i izvoza, odnosno porijekla robe, neevidentirane domaće i strane robe, prometovanja robe čija je evidentirana nabavna cijena višestruko manja od proizvođačke i tržišne cijene, stavljanja u promet robe bez dokazanog porijekla, višestruke dokumentacije za istu robu na različitim mjestima i u različitim fazama prometa, neažurno i nepotpuno vođenje poslovnih knjiga, neovlašteno obavljanje prometa roba i usluga, prodaja robe bez dokazanog kvaliteta i ispravnosti, promet robe široke potrošnje industrijskog porijekla u prodavnicama registrovanim kao kućna radinost, te neizdavanju fiskalnih računa pri obavljanju prometa roba i usluga.**

Osim nadzora u oblasti trgovine, putem zajedničkih multidisciplinarnih timova kontroliše se zakonitost poslovanja privrednih subjekata u oblastima turizma, rada, poljoprivrede, zdravstva, urbanizma i ekologije, saobraćaja, šumarstva, voda, veterinarstva, rudarstva, te termo i elektroenergetike. Specifičnost ovih aktivnosti, između ostalog, je i da se inspeksijski nadzori vrše u neradne dane i sate, odnosno tokom vikenda i poslije redovnog radnog vremena.

2.3.1. REZULTATI POJAČANIH INSPEKCIJSKIH NADZORA U 2019. GODINI

ORGANIZACIJA POJAČANIH INSPEKCIJSKIH NADZORA	Broj inspektora	94 (65 federalnih i 29 kantonalnih)
	Trajanje nadzora	102 dana
	Područja nadzora	5 regija od po 2 kantona u FBiH
Broj izvršenih inspeksijskih nadzora		8.311
Broj učešća u timskim nadzorima		5.578
Broj sačinjenih zapisnika		8.311
Broj prekršajnih postupaka koji podrazumijevaju izdavanje prekršajnog naloga		4.866
Iznos po osnovu prekršajnih naloga		6.838.187,00 KM
Iznos naknada (za ceste, vode i zrak)		4.425.692,26 KM
Broj izvršenih kontrolnih nadzora		166
Broj izdatih rješenja za otklanjanje nedostataka		1.167
Broj izrečenih mjera privremene zabrane rada / pečaćenje		267 / 24 pečaćenja
Kontrola primjene fiskalizacije i izdavanja fiskalnih računa	Posjeduje fiskalni uređaj	2.809
	Ne posjeduje fiskalni uređaj	5
	Izdaje fiskalni račun	2.471
	Ne izdaje fiskalni račun	342

Vršenje periodičnih pojačanih nadzora se pokazalo opravdanim, s obzirom da:

- se učešćem multidisciplinarnih federalnih i kantonalnih inspeksijskih timova stvara manje opterećenje prema subjektima nadzora u smislu smanjene učestalosti posjete inspekcija,
- su istovremeno povećani efekti poštivanja zakonskih normi od strane onih koji su dužni da ih primjenjuju.

Dalje je potrebno vršiti kontinuirani inspeksijski nadzor na području svih kantona u Federaciji BiH uz učešće mješovitih inspekcija, što se pokazalo značajno efikasnom metodom nadzora koja može polučiti bolje rezultate u sferi provođenja zakona kao i uređenja određenih oblasti.

Moramo naglasiti da su i građani prepoznali značaj i efekte pojačanog prisustva federalnih inspektora u svojim gradovima, te nam se, kad primijete da je Federalna uprava za inspeksijske poslove u njihovom gradu ili općini, svakodnevno obraćaju prijavama nezakonitog postupanja privrednih subjekata i rada na crno, za što im se ovim putem zahvaljujemo.

Također je uspostavljen kvalitetniji odnos između inspekcije i subjekata nadzora s ciljem zajedničkog rada na izgradnji kulture poštivanja propisa na području Federacije BiH.

Evidentno je da se svi moramo uključiti u borbu protiv sive ekonomije i da svako od nas, na svoj način, može doprinijeti jačanju društveno-ekonomskog sistema i discipline u smislu poštivanja zakona. Konkretna primjer je i činjenica da povećanje nivoa svijesti građana o neophodnosti traženja fiskalnog računa za pružene robe i usluge direktno doprinosi jačanju fiskalne discipline kod privrednih subjekata, što se evidentira u inspekcijskim nadzorima.

Pozivamo građane da nastave prijavljivati nezakonito ponašanje privrednih subjekata i kršenja potrošačkih prava.

Vršenje pojačanih nadzora u saradnji s policijskim organima

S ciljem unapređenja kontrole prometovanja visokotarifne robe u FBiH, Federalna uprava za inspekcijske poslove je u saradnji s nadležnim policijskim organima:

- 30.9.2019. godine, u saradnji s Policijskom upravom Čapljina, nakon izvršenog inspekcijskog nadzora privremeno oduzet **ukupno 771 artikala tekstilne robe i obuće bez dokumentacije o vlasništvu i porijeklu,**
- 16.11.2019. godine, u saradnji s Policijskom upravom Hadžići, postupajući federalni tržišni inspektor je **izdao rješenje o privremenom oduzimanju robe- rezanog duhana zatečenog u prometu bez dokumentacije o porijeklu.**

U oba slučaja je protiv odgovornog lica **pokrenut prekršajni postupak** u skladu s članom 62. Zakona o prekršajima FBiH.

Ovakav vid saradnje pokazao se izuzetno efikasnim i ovim putem želimo iskazati zahvalnost policijskim organima koji se u vršenju poslova iz svoje nadležnosti angažiraju u sistemskoj i zajedničkoj borbi protiv sive ekonomije.

2.4. INCIDENTNE SITUACIJE/PRIORITETNI NADZORI U 2019. GODINI

Općenito, incidentne situacije, ugrožena stanja ljudskih života i zdravlja, zarazne bolesti kod ljudi i životinja, kao i ostala vanredna stanja u postupanju federalnih inspekcija su bile apsolutni prioritet. Na osnovu konstatiranog stanja i pribavljenih ekspertiza naglašenih pojava, poduzimane su neophodne i zakonom propisane upravne mjere u smislu otklanjanja nastale situacije te utvrđivanja odgovornosti i obaveza saniranja nastale štete, kao i pokrenuti postupci sankcionisanja odgovorna lica i subjekata, kako u domenu prekršajne tako i krivične odgovornosti.

Federalni ekološki inspektori svoje postupanje su usmjerili su prvenstveno na rješavanju slučajeva prekoračenja određenih subjekata kod ispuštanja zagađenih gasova i čestica u atmosferu (prekomjerno ispuštanje štetnih emisija u zrak od strane privrednih društava; Arcelor Mittal Zenica, Gikil Lukavac, Sisecam Soda Lukavac, Natron Hayat Maglaj, BSI Jajce...), koji su evidentirani kao najveći ekološki zagađivači u Federaciji BiH.

Pored navedenih subjekata, ekološka inspekcija je djelovala i kod sljedećih ekoloških zagađivača zraka, vode i tla; JP EP BIH-TE Tuzla, TE Kakanj, deponija Uborak Mostar i deponija Smiljevići Sarajevo, BFS Kreševo i drugih.

U okviru ovih aktivnosti, federalni ekološki inspektori su u toku 2019. godine izvršili **788** inspekcijskih nadzora.

Federalni vodni inspektori su djelovali u incidentnim situacijama vezano za ispuštanje otpadnih voda u riječne tokove rijeka Bosne, Neretve i Vogošćanske rijeke, te poduzimali upravne i kaznene mjere protiv zagađivača. Vodni inspektori takođe su poduzimali sankcije i izricali upravne mjere vezano za vodne dozvole u kompanijama Arcelor Mittal Zenica, Sisecam Soda Lukavac i GIKIL Lukavac. Pored navedenog vodna inspekcija je radila i na sprečavanju nelegalnog vađenja materijala iz vodotoka u Posavskom i Zeničko-dobojskom kantonu.

Federalni vodni inspektorat je u toku 2019. godine je s ukupno šest uposlenika – 5 federalnih vodnih inspektora i glavnog inspektora izvršio **755** inspeksijskih pregleda, u okviru kojih su donesena **192 rešenja** o otklanjanju nedostataka i izdata **194 prekršajna naloga** koji podrazumijevaju izricanje kazni u iznosu od 553 400,00 KM.

Evidentiran je **prebačaj planiranog broja pregleda**, a **izvršenje iznosi 147,46 %** (755/512), čemu je posebno doprinijelo vršenje pojačanog inspeksijskog nadzora u suradnji s drugim inspektoratima.

Federalni rudarski inspektori su izvršili četiri (4) uviđaja rudarskih nesreća, jedan (1) vanredni inspeksijski nadzor zbog pojave opasnosti u jami, te izvršili ukupno **246** redovnih inspeksijskih nadzora, sačinili **157** zapisnika, izdali **123** rješenja o otklanjanju nedostataka, izrekli **1.274** upravne mjere, te izdali **16** prekršajnih naloga.

Ukupno je evidentirano **908 povreda na radu u rudnicima** (u odnosu na 2017.godinu, broj povreda na radu je smanjen za 3,92%, a u odnosu na 2018.godinu za 0,22%).

Federalni fitosanitarni inspektori su, kroz aktivnosti provođenja kontinuiranog monitoringa, postupali na sprečavanju i širenju pojave karantinskih štetnih organizama na uvoznom merkantilnom i sjemenskom krompiru, pri čemu je vršena stručna ekspertiza pošiljki krompira metodom uzorkovanja putem ovlaštenih laboratorija.

Federalni inspektori za hranu su vršili timske inspeksijske nadzore u hotelima na području FBiH, te kod drugih subjekata u poslovanju s hranom. Kod jednog subjekta u poslovanju s hranom na području Tuzlanskog kantona koji se bavi proizvodnjom kolača inspektori su naložili **uništavanje cca 1.5 tona sirovina** s isteklim rokom, dok je na području Kantona Sarajevo kod subjekta koji se bavi proizvodnjom tzv zdrave hrane **naloženo uništenje cca 1,2 tona proizvoda** s isteklim rokom.

Po predstavci zbog trovanja hranom, izvršen je i hitan inspeksijski nadzor kod subjekta u poslovanju s hranom na području Tuzlanskog Kantona, te su poduzete zakonom propisane mjere.

U skladu sa Zakonom o zaštiti stanovništva od zaraznih bolesti **zabranjen je rad dva bazena**, zbog prisustva nedozvoljenih bakterija (E.coli, te Legionella spp.). Nakon otklanjanja nedostataka i ispunjenja naloženih zakonski propisanih mjera, te ponovne analize vode, isti su ponovo započeli rad.

Također su izvršeni inspeksijski nadzori u RMU Banovići i JU Zavod za zbrinjavanje mentalno invalidne djece i odraslih Pazarić.

Federalni inspektori za hranu su učestvovali u **643 inspeksijska nadzora**, izdali ukupno **238 rješenja o otklanjanju nedostataka** i rješenja o zabrani obavljanja djelatnosti osobama bez obaveznog povremenog zdravstvenog pregleda, te podnijeli **107 prekršajnih naloga** u iznosu od ukupno **171.550,00 KM**.

Federalni veterinarski inspektori su djelovali prioritarno na saniranju stanja kod oboljelih životinja i insekata. Doneseno je 81 rješenje po članu 45. Zakona o veterinarstvu kojima je naloženo uklanjanje 8 konja od IAK-a (infektivne anemije kopitara), 95 pčelinjih društava oboljelih od kuge pčela, 55 goveda oboljelih od bruceloze: 186 ovaca i koza oboljelih od bruceloze i 115 ovaca i koza oboljelih od Q groznice.

Izvršeno je ukupno **855 inspeksijskih nadzora**, što je **122,65% više od planiranog** (384), te doneseno ukupno **360 upravnih i 297 prekršajnih mjera**.

Federalni granični inspektori, su prilikom kontrole roba pri uvozu ustanovili da robe u 9 pošiljki nisu zdravstveno ispravne, te je naloženo vraćanje ili uništavanje istih. Radi se o predmetima opće upotrebe; igračke-dječije lutke, posuđe-šerpe, kozmetika-boja za obrve te životne namirnice: morska so i sušeni peršun.

Redovni inspekcijski nadzori, uključujući i postupanje po predstavkama, obavljani su u okviru planiranih aktivnosti koji su odabrani na način da se omogući i realizuje što efikasnija kontrola nad sprovođenjem zakona, čiju provedbu nadziru inspektorati u svim subjektima Federacije BiH koji su predmet nadzora Uprave. Postupanje po predstavkama vršeno je u skladu s procjenom hitnosti za svaki pojedinačni slučaj, odnosno prema redoslijedu zaprimanja.

2.5.USMJERENI NADZORI U 2019. GODINI

Posebni programi inspekcijskog nadzora - usmjereni inspekcijski nadzori, poduzimani su u određenoj oblasti ili kod određenih subjekata nadzora u ovisnosti od uočene pojave i stepena nezakonitosti. U 2019. godini tokom vršenja pojačanih inspekcijskih nadzora vršeni su nadzori u određenim subjektima shodno pojavama određenih problema i u skladu sadređenjima Vlade Federacije BiH i resornih ministarstava, kako slijedi:

2.5.1. Auto-pijaca Sarajevo

U okviru pojačanih inspekcijskih aktivnosti, na osnovu procjene rizika i indikacija o nezakonitom prometovanju visokotarifne robe, Federalna uprava za inspekcijske poslove je dana 15.9.2019. godine u saradnji sa Specijalnom jedinicom za podršku Ministarstva unutrašnjih poslova Kantona Sarajevo provodila ciljani inspekcijski nadzor na auto-pijaci u Sarajevu.

U akciji je izvršeno **preko 500 kontrola vozila i fizičkih lica, pregledano preko 100 pijačnih tezgi, kojom prilikom je oduzeta nezakonito prometovana roba i roba bez porijekla (181 par falsifikovane brendirane obuće, 47 pakovanja rezanog duhana, 997 kutija cigareta, 100 komada falsifikovanih jastuka s natpisom „Dormeo” i 27 novih mašina za izvođenje građevinskih radova i drugog alata).**

Ukupna tržišna vrijednost robe je približno 20.000,00 KM, a prema fizičkim licima kod kojih je zatečena roba pokrenuti su prekršajni postupci u vidu izdavanja prekršajnih naloga.

U akciji je zapečaćeno i jedno vozilo za koje je postojala opravdana sumnja da se u istom nalazi roba sumnjivog porijekla i „pauk“-vozilom transportovano u krug službenog parking prostora Policijske uprave Novi Grad Sarajevo. Zahvaljujući odličnoj saradnji sa Tužilaštvom Bosne i Hercegovine, nakon provedene procedure pribavljanja naloga za pregled unutrašnjosti vozila, koje je u međuvremenu stavljeno u nadležnost Državne agencije za istrage i zaštitu (SIPA), utvrđeno je da je u vozilu bilo 3.250 kutija cigareta bez porijekla i određena količina duhana, čime su se potvrdile indicije i procjene Federalne uprave za inspekcijske poslove.

2.5.2. Kontrola skladišta robnih rezervi

Inspekcijski nadzor Federalne direkcije robnih rezervi je obuhvatio ispitivanje zakonitosti poslovanja skladištara, evidentiranje količina zatečenih roba, uslove skladištenja, poštivanje rokova vezano za datum proizvodnje i rok upotrebe, ispitivanje kvaliteta roba vezano za deklariranje, kao i organoleptičko ispitivanje ostalih svojstava zatečene robe, a po potrebi i laboratorijska ispitivanja kvaliteta roba. S tim u vezi, **izvršeni su inspekcijski nadzori kod 11 skladištara robnih rezervi na području Federacije BiH, o čemu će biti sačinjen poseban izvještaj koji će biti dostavljen Vladi FBiH.**

2.5.3.Kontrola prometa roba i usluga u dane sportskih i kulturnih manifestacija

Radi vršenja inspekcijskih nadzora, federalni tržišni inspektori su organizovali dežurne timove u vrijeme održavanja sportskih i drugih aktivnosti na području Federacije BiH / EYOF 2019 , doček Nove godine itd./

Također su izvršene kontrole subjekata koji su svoju djelatnost locirali na području gradskog groblja Vlakovo, te kontrole turističkih destinacija u Federaciji BIH : Bjelašnica, Vlačić, Kupres, Blidinje i Neum.

2.5.4. Kontrole na vodenim površinama

U okviru navedenih inspeksijskih nadzora vršena je kontrola odvijanja i sigurnosti plovidbe brodovima, plovnim objektima i drugim plovilima, te materijalnopravni odnosi u pogledu plovila, postupci upisa plovila, prijevoz i plovni poslovi, plovidbene nesreće, kapetanije i nadzor nad plovnim putevima na unutrašnjim vodama /Jablaničko jezero / i Jadranskom dijelu mora (Neum), koje pripada Bosni i Hercegovini.

Inspeksijski nadzor se obavlja službenim čamcem, a kontrole na vodenim površinama se zbog brojnosti i fluktuacije plovnih vozila odvijaju pretežno na moru.

Navedenim kontrolama povećava se sigurnost ljudi i imovine u plovnom području mora u Neumu, te se povećava disciplina u pogledu osiguranja, registracije vozila, što pokazuju podaci Kapetanije u Neumu po pitanju novoregistrovanih plovnih vozila i izdatih plovnih dozvola.

U periodu od 1.7. – 31.7.2019 godine, federalni saobraćajni inspektori za plovne objekte izvršili su kontrolu 49 plovnih vozila /skuteri, čamci, brodice i jahte/, pri čemu je utvrđeno da veći broj korisnika skutera ne posjeduje plovidbene dozvole /od 34 kontrolisana skutera, jedan nije bio registrovan a samo 14 vozača koji su upravljali skuterima su imali plovidbenu dozvolu/.

U navedenom periodu inspekcije su djelovale pretežno preventivno, upozoravani su i vozači turističkih brodica vezano za prekobrojnost putnika, a inspekcije su djelovale i u dva incidentna slučaja (prevrtanje sa skutera stranog državljanina koji je spašavan od utapanja i spašavanje kupaća).

Kada su u pitanju represije, inspekcije su samo u nekoliko slučajeva izrekle minimalnu kaznu vlasnicima skutera, a zbog određenih nepravilnosti koje su odmah otklonjene.

Izvršena su 43 inspeksijska nadzora, te izdato 47 prekršajnih naloga u iznosu od 35.420,00 KM.

Pored ovih kontrola, **federalni saobraćajni inspektori** su radili na kontrolama stanica tehničkog pregleda i izricali mjere zabrane rada za iste, te isključivali iz saobraćaja vozila bez uredne dokumentacije i izricali mjere zabrane rada za vozače. Izvršeno je ukupno 2.541 inspeksijskih kontrola, sačinjeno 1.350 zapisnika, izdato 1.676 prekršajnih naloga u iznosu od 1.248.609 KM, doneseno 68 rješenja o otklanjanju nedostataka, evidentirali 162 radnika na crno, privremeno oduzeli 12 kartica za vozače i privremeno isključili 4 vozila iz prometa.

2.5.5. Zakon o novčanim podrškama u poljoprivredi i ruralnom razvoju;

Po obavijestima Federalnog ministarstva poljoprivrede, vodoprivrede i šumarstva, te obavezama i zaduženjima iz Zaključaka Vlade FBiH, vršeni su nadzori u oblasti poljoprivredne proizvodnje i kapitalnih ulaganja pri čemu su izvršena 502 nadzora i sa poduzimanim zakonskim mjerama je upoznato nadležno ministarstvo.

2.5.6. Sprečavanje trgovine zaštićenim vrstama koje se nalaze na crvenoj listi FBiH

U okviru oblasti zaštite prirode, Federalni šumarski inspektorat je putem nadležnih inspektora vršio nastavak aktivnosti oko sprečavanja nezakonitog držanja autohtonih domaćih divljih i vrsta u zatvorenim prostorima. U crvenu listu Federacije BiH divljih vrsta i podvrsta biljaka, životinja i gljiva („Službene novine FBiH“, broj 07/14), evidentiran je veći broj imaoca divljih vrsta kojim su donesena rješenja za uvođenje istih u zakonske okvire. U okviru navedenog izvršeno je udomljavanje 2 divlje životinje /medvjedi/ u ZOO Pionirska dolina Sarajevo.

Također, po pitanju prometovanja određenih zaštićenih biljnih vrsta, intervenisala je nadležna federalna inspekcija te kontrolisala 13 subjekata, pri čemu je izdato 6 rješenja i 2 prekršajna naloga. Radi se o zabrani kupovine, otkupa i prometa biljke *Ruscus hypoglossum* L. (širokolisna veprina), te sječe vrlo rijetkog stabla četinara munike /*Pinus heldreichi* Christ/.

2.5.7. Kontrole kvalitete i prometovanja goriva;

Federalni tržišni inspektorat je u 2019. godini poduzeo kontrole nad primjenom Pravilnika o načinu evidentiranja i kontroli prometa naftnih derivata putem ugrađene opreme na benzinskim stanicama u FBiH. Po zahtjevu Federalnog ministarstva trgovine izvršeno je 29 inspekcijskih nadzora kod 7 benzinskih stanica, kada je utvrđeno neprimjenjivanje pravilnika, te su izdati prekršajni nalozi u visini 28.000 KM.

Također, od strane federalnih inspektora za kvalitet tečnih naftnih goriva su vršene permanentne aktivnosti u pogledu praćenja provođenja kontrole kvalitete ostalih naftnih derivata koji se prometuju u FBiH, prilikom čega je vezano za provođenje monitoringa kvalitete goriva uzeto 2.192 uzorka zbog neispunjavanja standarda kvalitete goriva, izvršen 161 inspekcijski nadzor, te izdato 6 prekršajnih naloga u visini od 16.500 KM.

2.5.8. Zaštita potrošača

Zaštita potrošača, odnosno njihovih pravnih i ekonomskih interesa, je veoma važan faktor koji doprinosi kvalitetnom funkcionisanju ukupne tržišne ekonomije. Federalna uprava za inspekcijske poslove prijave potrošača čija su prava narušena zaprima putem redovne pošte, ali i telefona za prijave koji je otvoren 24 sata, te putem i e-maila. Na ovaj način smo uspostavili efikasnu i brzu komunikaciju s građanima u cilju zaštite njihovih potrošačkih prava. Federalni tržišni inspektori su u nadzoru nad primjenom Zakona o zaštiti potrošača BiH u 2019. godini izvršili 358 pregleda i izdali 508 prekršajnih naloga s finansijskim efektom od 823.900,00 KM, te donijeli 68 rješenja o otklanjanju nedostataka. Zaštita zdravlja i sigurnosti potrošača u BiH se vrši i putem Sektora granične inspekcije, koji ima izniman značaj i važnost unutar ukupne nadležnosti i djelovanja Federalne uprave za inspekcijske poslove, a federalni sanitarni, tržišni i fitosanitarni inspektori na graničnim prijelazima i mjestima carinjenja brinu se da na unutrašnje tržište stiže zdravstveno ispravna i kvalitetna hrana, te da na police trgovina dolaze sigurni proizvodi i roba.

U 2019. godini, na graničnim prijelazima, carinskim ispostavama i mjestima carinjenja izvršena su **138.108 pregleda** i uzeta **6.064 uzorka** za ispitivanje zdravstvene i kvalitativne ispravnosti roba, izdato je **1.428** fitocertifikata, a na ime taksi naplaćeno je **4.815.761,30 KM**.

Federalni granični inspektori su u toku 2019. godine donijeli **devet (9) rješenja o zabrani uvoza** pošiljki robe koja nije ispunjavala propisane zakonske kriterije po pitanju zdravstvene ispravnosti životnih namirnica i predmeta opće upotrebe.

zabrane koje su izazvale naročitu pažnju javnosti su se odnosile na uvoz kuhinjske morske soli porijeklom iz susjedne Republike Hrvatske (ukupno cca. 8,5 tona), dok se ostale odnose na posuđe – metalne šerpe, boju za obrve, dječije lutke – četiri pošiljke, sušeni list peršina i sjeme špinata.

Ukupna vrijednost robe koja je stavljena van prometa iznosi **947.906,00 KM**, međutim, naglasio bih važniji aspekt ovih zabrana, a to je zaštita zdravlja i sigurnosti stanovništva, što je i primarni cilj ovih nadzora.

Dakle, kada inspekcijski organi djeluju represivno, takve mjere se preduzimaju isključivo kako bi se obezbijedila zaštita zdravlja i sigurnost stanovništva, zaštita javnog i privatnog interesa, osiguravanje visokog stepena poštivanja zakona od strane fizičkih i pravnih lica, što daje osnov za isticanje važnosti ali i odgovornosti uloge Federalne uprave za inspekcijske poslove unutar institucija za sprovedbu zakona i nadzor nad njihovom primjenom. Mi se svakako trudimo unaprijediti naš rad i djelovanje kroz kontinuirane edukacije i profesionalno usavršavanje inspektora, te unapređenje institucionalnih mehanizama za naše postupanje, međutim, evidentno je da je za kvalitetno obavljanje naših poslova neophodan i adekvatan društveni i institucionalni ambijent, te saradnja s drugim organima javne uprave, poslovnim subjektima i građanima.

Kao i uvijek, pozivamo građane da sve uočene nepravilnosti u ponašanju privrednih subjekata prijave na naš telefon za prijave 033/226644 koji je otvoren 24 sata, našu e-mail adresu info@fuzip.gov.ba ili poštom, na našu adresu Fehima ef. Čurčića br. 6, 71000 Sarajevo.

3. OPĆI I PRAVNI POSLOVI, SEKTOR ZA ZASTUPANJE, STRUČNE EDUKACIJE I SISTEMSKE AKTIVNOSTI

Kroz elektronsku poštu Federalne uprave za inspekcijske poslove u 2019.godini, ukupno je obrađeno/skenirano 49.134 predmeta, odnosno dokumenata, što je 5.069 predmeta više u odnosu na 2018. godinu.

Putem automatskog telefonskog aparata i e-maila zaprimljeno je i dostavljeno na nadležno postupanje 438 prijava građana.

	2018. god.	2019. god.
Broj realizovanih predmeta	44.065	49.134

Sektor za zastupanje je u svojstvu pravnog zastupnika Federalne uprave za inspekcijske poslove u 2019. godini zaprimio 1.188 sudskih poziva za usmeni pretres po izdatim prekršajnim nalogima po kojima su okrivljeni subjekti nadzora zatražili sudsko odlučivanje. Predstavnici Uprave su prisustvovali na 1.188 pretresa. Od ukupnog broja provedenih postupaka sudskog odlučivanja pred sudovima, sudovi su obustavili 34 postupka (2,86%). Bitno je spomenuti da u broju obustava postoji konstantna tendencija pada (u 2017. godini, sudovi su obustavili 64 postupka – 5,22%, a u 2018. godini 69 postupaka- 5,36%).

U okviru sudskog odlučivanja od ukupno utvrđenog iznosa prekršajnih naloga za koje je zatraženo sudsko odlučivanje u visini 1.584.347,00 KM, nadležni općinski sudovi su: izrekli ukupno 803 novčane kazne u ukupnom iznosu od 657.707,00 KM, 212 uvjetnih kazni u iznosu 392.877,00 KM kao i 9 ukora u iznosu 18.200,00 KM, te sudovi do dana sačinjavanja ovog izvještaja nisu donijeli ukupno 130 odluka u predmetima u kojima su održani usmeni pretresi.

3.1.Prekršajni nalozi i zastupanje uprave na sudovima

	2018.	2019.
Sudsko odlučivanje po izdatim prekršajnim nalogima	1.285	1.188
Broj obustavljenih postupaka	69	34
Iznos prekršajnih naloga za koje je zatraženo sudsko odlučivanje i odluka suda	1.567.060,00 KM	1.584.347,00 KM
	785- novčanih kazni 249- uvjetnih kazni 3- ukora	803- novčane kazne 212- uvjetnih kazni 9- ukora
Broj i vrijednost prinudne naplate prekršajnih naloga	260 prekršajnih naloga u vrijednosti 177.479,70 KM	318 prekršajnih naloga u vrijednosti 224.647,00 KM

Sektor za zastupanje je od stupanja na snagu novog Zakona o prekršajima pokrenuo preko 1.200 postupaka prinudne naplate prekršajnih naloga koji nisu plaćeni, a za koje je prijetila opasnost od nastupanja zastare izvršenja, te je prinudnim putem naplaćeno ukupno 318 prekršajnih naloga u ukupnoj vrijednosti od 224.647,00 KM.

3.2.Podrška Vladi Federacije BiH u pogledu provedbe Odluka i Zaključaka i davanje odgovora na zastupnička/delegatska pitanja

U 2019. godini realizovane su sve pristigle odluke Vlade FBiH, od ukupno 36 zaključaka Vlade FBiH realizovano je 28, dok je u toku realizacija preostalih 8 zaključaka. Odgovoreno je na 25 pristiglih zastupničkih pitanja.

REALIZOVANE ODLUKE I ZAKLJUČCI VLADE FBiH	2019.	
	ODLUKE	ZAKLJUČCI
	1	Realizovano 28 U toku realizacije 8

Sve međunarodne obavijesti EU RASAF (sistem brzog uzbunjivanja), INFOSAN, RAPEX koje zaprimi FUZIP, kao i druge obavijesti nadležnih Agencija FUZIP redovno prati i ažurno postupa po istim.

Kada je u pitanju izvršenje obaveza po Upitniku Evropske Komisije, FUZIP je u zadatom roku putem svog internog tijela odgovorio na sva pitanja za koje je bio zadužen.

U okviru borbe protiv korupcije FUZIP je utvrdio Plan integriteta za borbu protiv korupcije po kojem operativno postupa.

3.3.Stručno obrazovanje i usavršavanje inspektora i drugih uposlenika Federalne uprave za inspekcijske poslove

U 2019. godini obavljeno je ukupno 65 edukacija i to: 7 eksternih edukacija inspektora po resornim oblastima vezano za primjenu EU propisa u prekograničnom prometu roba (fitosanitarna, tržna i sanitarna granična inspekcija), 58 edukacija inspektora unutrašnje kontrole i ostalih uposlenika Uprave.

3.3.1.Broj i klasifikacija stručnih edukacija inspektora i drugih uposlenika Uprave u 2019. godini

Ukupan broj stručnih edukacija	65
Vrsta i oblast stručne edukacije uposlenika	7 eksternih edukacija u prekograničnom prometu roba 58 edukacija inspektora unutrašnje kontrole i ostalih uposlenika Uprave

3.4. SISTEMSKE AKTIVNOSTI U 2019. GODINI

INICIJATIVE ZA IZMJENU PRAVNIH PROPISA	7 (5 inicijativa za izmjene i dopune zakona, 2 inicijative za izmjene i dopune podzakonskih akata-pravilnika)
INICIJATIVE ZA USKLAĐIVANJE FEDERALNIH PROPISA S PROPISIMA BIH	3
INICIJATIVE ZA DONOŠENJE NOVIH ZAKONA	2
INICIJATIVE FEDERALNIH INSPEKTORATA RESORNIM MINISTARSTVIMA ZA DONOŠENJE/IZMJENU PRAVNIH PROPISA	21
UKUPAN BROJ SISTEMSKIH AKTIVNOSTI	33

3.4.1. Inicijative za izmjenu propisa:

U vezi sa efikasnijim radom resornih inspekcija ova Uprava je u 2019. godini uputila inicijative za izmjenu i dopunu sljedećih propisa:

- | |
|---|
| - Izmjene i dopune Zakona o šumama Federacije BiH; |
| - Izmjene i dopune Zakona o uvjetima i načinu obavljanja djelatnosti rezanja drveta FBiH, |
| - Izmjene i dopune Zakona o vodama FBiH, |
| - Izmjene i dopune Pravilnika o sadržaju, obliku, uslovima, načinu izdavanja i čuvanja vodnih akata FBiH, |
| - Izmjene i dopune Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti FBiH, |
| - Izmjene i dopune Zakona o poljoprivrednom zemljištu FBiH, |
| - Izmjene i dopune Zakona o sjemenu i sadnom materijalu poljoprivrednog bilja FBiH. |

3.4.2. Inicijative za usklađivanje federalnih propisa sa propisima BiH

- | |
|---|
| - Zakona o veterinarstvu Federacije BiH sa Zakonom o veterinarstvu BiH, |
| - Zakon o međunarodnom i međuentitetskom cestovnom prometu BiH sa Zakonom o cestovnom prijevozu u Federaciji BiH, |
| - Zakon o željeznicama BiH sa istoimenim zakonom u FBiH, u pogledu usklađivanja odredbi kojim se definiše željeznički sektor. |

3.4.3. Inicijative za donošenje novih zakona

- | |
|-----------------------------------|
| - Zakon o hrani FBiH |
| - Zakon o poštanskom sistemu BiH. |

3.4.4. Prijedlozi za izmjene, donošenja propisa dostavljeni resornim ministarstvima putem godišnjih izvještaja:

Federalni inspektorat rada:

1. Zakon o radu FBiH
2. Zakon o sigurnosti i zaštiti zdravlja na radu FBiH.

Federalni tržišni inspektorat:

1. Zakon o fiskalnim sistemima u FBiH
2. Zakon o ugostiteljstvu FBiH
3. Zakon o turističkoj djelatnosti FBiH
4. Zakon o trgovini FBiH
5. Zakon o obrtu FBiH
6. Zakon o inspekcijama FBiH
7. Zakon o on-line prodaji/prodaji putem interneta FBiH

Sektor granične inspekcije:

1. Zakon o federalnim upravnim pristojbama-taksama... FBiH

Federalni urbanističko-ekološki inspektorat:

1. Zakon o prostornom planiranju i korištenju zemljišta FBiH
2. Zakon o vlasništvu i drugim stvarnim pravima FBiH /regulisanje emitovanja neprijatnog mirisa

Federalni rudarsko, termo i elektro-energetski inspektorat:

1. Izmjene Zakona o rudarstvu FBiH
2. Usvajanje izmjene i dopune Pravilnika za rad privrednih društava iz djelatnosti rudarstva i geologije na području oba entiteta BiH -Raditi na donošenju novih tehničkih propisa
3. Donošenje nedostajućih provedbenih propisa Zakona o električnoj energiji u Federaciji BiH
4. Usvajanje dopuna Zakona o električnoj energiji u Federaciji BiH vezano za izgradnju i održavanje dalekovoda, te izmjena i dopuna propisa iz člana 116.stav (13) Zakona.
5. Donošenje novih tehničkih propisa iz Zakona o električnoj energiji u Federaciji BiH
6. Donošenje Zakona o inspekciji opreme pod pritiskom FBiH
7. Usvajanje izmjena i dopuna Uredbe o vrstama, sadržaju i kvalitetu biogoriva za motorna vozila (Sl.novine Federacije BiH, br.26/08) ili donošenje nove Uredbe
8. Donošenje Zakona o uvjetima, načinu i postupku proizvodnje, trgovine, skladištenja i korištenja biogoriva u transportu
9. Donošenje Pravilnika o obimu, načinu i uvjetima vršenja monitoringa kvaliteta LPG.